

太上說利益蠶王妙經

爾時

靈寶天尊在淨明國土馬跡山中與諸仙衆及諸真人百千萬衆隨從到赤明宮中大會說法是時衆中有一真人名曰月淨從座而起端簡前進上白

天尊曰今見世間人民苦樂不均衣無所得將何救濟

天尊憫其所請乃遣玄名真人化身為蠶蛾口吐其絲與人收什教其經絡機織裁製為衣復以神符鎮貼以斷邪魔真人重告


天尊曰世人所養蠶蛾為復有何報對

天尊答曰此身變化之後經餘年歲復歸本身飛行自在來往虛空於是玄名真人告諸世人其蠶蛾是我之身變化憫見衆生饑寒

困苦故來救濟汝可精心虔敬不得輕慢將我拋棄若生輕慢當復困苦若加敬重得獲大富貴多養多得少養廣收精心信敬咸皆歡喜說是經畢真仙等衆稽首

天尊奉辭而退

太上說利益蠶王妙經



正一天師清微弟子 洪百堅 製作
道教學術資訊網站

太上說牛癩妙經

爾時

太上道君與諸仙在七寶林中大會說法座中有一真人名曰普善端簡上白

天尊曰為見浮生計謀活業養育六畜牛馬駒犢頻遭疫癘不甘水草癩癩或惟願大慈廣垂濟度

天尊曰凡世之人不悟禁忌不看牛癩馬癩方位故犯神殺致見時氣竟生瘟疫相逼若欲止穰須投玄奧但以吉日灑掃家庭鋪釘

寶座然燈焚香轉誦靈文穰謝神殺能消災禍消除時瘟永不為害真人普善仰謝

玄恩而作頌曰

天尊恩如海 普救世間人 若要除毒害 莫越大乘經 庶類歸心昔 國泰物興榮

其或保牛馬 非但積積羊 虔誠歸大道 聖道必昭彰 殷勤朝元始 福壽保延長

欄圍皆安帖 血畜自成行 唯德真經力 須賴聖威光 龍神常擁護 蹄角永繁昌

真人說是頌畢及諸仙衆各各作禮而退